



Cronfa Grant Cymunedau Cryf 2020 - 2025

Nodiadau Canllaw

I gael rhagor o wybodaeth a chyingor cysylltwch â **thîm Datblygu Economaidd y Cyngor** gyda'ch syniad chi:

E-bost: scgfapplications@valeofglamorgan.gov.uk neu
Ffôn: 01446 704636

Cyngor Bro Morgannwg Swyddfeydd y Dociau
Heol yr Isffordd
Y Barri
CF63 4RU

Beth yw'r Gronfa Cymhorthdal Cymunedau Cryf?

Bydd y Gronfa Cymhorthdal Cymunedau Cryf yn cynnig grantiau i Grwpiau Cymunedol, sefydliadau Gwirfoddol a Chynghorau Tref a Chymuned tuag at gostau mentrau ym Mro Morgannwg sy'n helpu i ategu gweledigaeth y Cyngor o "gymunedau cryf gyda dyfodol disglair".

Nod y gronfa yw:

1. Gwella gwydnwch sefydliadau/grwpiau neu eu gweithgareddau drwy ariannu gweithgareddau sy'n ychwanegu gwerth at eu gwaith presennol a lleihau eu dibyniaeth ar arian grant yn y dyfodol;
2. Cynnig arian cychwynnol tuag at fentrau sy'n dangos eu bod yn gynaliadwy yn yr hirdymor;
3. Gwneud gwaith ymgynghori, dichonoldeb, dylunio a gwaith arbenigol arall i lunio cynigion ar gyfer gweithgareddau a cheisiadau am gyllid yn y dyfodol;
4. Talu costau cyfalaf cynlluniau drwy brynu peiriannau, offer neu asedau eraill neu
5. Wneud gwaith a fyddai'n galluogi darparu gwasanaethau, er enghraifft, drwy gynyddu'r potensial i greu incwm.
6. Gwneud cyllid Adran 106 yn agored i gymunedau penodol pan fo datblygiadau wedi'u cyflawni. Caiff cyllid ar gyfer cyfleusterau a phrojectau mannau agored mewn ardaloedd penodol eu cyhoeddi wrth agor pob rownd i geisiadau;
7. Annog projectau sy'n cynnwys ffyrdd arloesol o fynd i'r afael â newid yn yr hinsawdd.

Sut mae ymgeisio?

Rhaid i ymgeiswyr lenwi ffurflen gais am Grant Cymunedau Cryf. Rhaid i unrhyw un sy'n ystyried gwneud cais gysylltu â Thîm Datblygu Economaidd y Cyngor cyn llenwi ffurflen gais, fel y gellir asesu cymhwysedd yn gynnar.

E-bostiwch: scgfapplications@valeofglamorgan.gov.uk neu Ffoniwch: 01446 704636

Byddwn yn rhoi ffurflen ar-lein i chi sy'n briodol i'r swm grant rydych yn gofyn amdano. Fel arfer bydd angen gwybodaeth ychwanegol i gefnogi'ch cais. Yn benodol, bydd angen tystiolaeth o unrhyw ganiatadau neu drwyddedau sydd eu hangen i ganiatáu i chi gyflawni eich project. Bydd angen dyfynbrisiau ariannol hefyd.

Nid ystyrir ffurflenni cais anghyflawn na rhai a gyflwynir heb y ddogfennaeth ategol.

Pwy all wneud cais?

Mae'r categorïau canlynol o sefydliadau yn gymwys i wneud cais:

- Grwpiau cymunedol a mudiadau gwirfoddol
- Cyngorau Tref a Chymuned, yn annibynnol neu mewn partneriaeth â grŵp cymunedol lle mae gan yr olaf ddiffyg statws cyfreithiol
- Consortia o'r uchod, gan gynnwys y rhai sydd wedi sefydlu trefniadau llywodraethu ffurfiol megis mentrau cymdeithasol*

** Gweler y 'Crynodeb o Strwythurau Cyfreithiol' ar wahân am ganllawiau ar y strwythurau cyfreithiol sy'n gysylltiedig yn aml â menter gymdeithasol a nodweddion strwythurau cymwys.*

Am faint y gallwn ni wneud cais?

Nid oes isafswm grant. Yr uchafswm grant a fydd yn cael ei gynnig tuag at unrhyw broiect unigol yw £25,000. Gwahoddir ceisiadau am 1 – 5 mlynedd tan fis Mawrth 2025 ac rydym yn annog projectau o bob maint gyda'r fframwaith hwn. Bydd ceisiadau'n cael eu hasesu yn erbyn y bandiau canlynol:

- Ceisiadau am hyd at £3,000 o arian grant
- Ceisiadau rhwng £3,000 a £25,000 o arian grant

Bydd dyddiadau cau perthnasol ar gyfer cyflwyno ceisiadau yn ymddangos ar dudalen we Cronfa Grant Cymunedau Cryf y Cyngor: <https://www.valeofglamorgan.gov.uk/cy/working/Business-Support/Strong-Communities-Grant.aspx>

Mae gwerth am arian yn ffactor asesu allweddol ac mae'r galw'n debygol o fod yn uchel. Disgwylir i ymgeiswyr am grantiau rhwng £3,001 a £25,000 wneud cyfraniad, naill ai'n ariannol a/neu 'gyfatebol' tuag at gost gyffredinol y project.

Peidiwch â gadael i'r ffurflen gais eich digalonni rhag gwneud cais – mae'r Cyngor yma i'ch cefnogi drwy'r broses o wneud cais. Rydym yn gobeithio y bydd hyn o gymorth i chi yn y dyfodol pryd byddwch yn gwneud cais am arian arall gan gyrrff eraill.

Dylai faint o wybodaeth yr ydym yn disgwyl i chi ei rhoi ar y ffurflen hon fod yn gymesur â'r swm o arian yr ydych yn gwneud cais amdano. Nid oes angen llawer o fanylion ar gyfer grantiau bach o hyd at £3,000 a gallwch sgwrsio drwy hyn gyda'r tîm Datblygu Economaidd. Y cyfan rydym am ei wybod yw'r hyn rydych am wario eich grant arno, yr hyn rydych yn gobeithio ei gyflawni, pwy fydd yn elwa a sut y bydd hyn yn eich helpu yn y tymor hwy. Rhoddir ffurflen syml ar gyfer y ceisiadau grant bach hyn. Ar gyfer projectau mwy cymhleth, gwerth uwch, dylech gyflwyno cais manylach i ni. Gallwch gysylltu â ni ar unrhyw adeg i gael cymorth i lenwi'ch cais ac rydym yn eich annog i gyflwyno drafft cynnar i ni fel y gallwn roi adborth, os bydd angen.

Rhaid gwario'r holl arian erbyn Mawrth 2025 gyda chostau blynyddol yn cael eu nodi dros y blynyddoedd ariannol.

Cyfanswm y gronfa dros 5 blynedd yw £837,533 tan fis Mawrth 2025*

Mae **£150,000** ar gael ar gyfer projectau Cyfalaf dros 3 blynedd.

Mae **£660,000** ar gael ar gyfer projectau Refeniw dros 3 blynedd

Mae **£27,533** yn gronfa heb ei dyrannu a ddelir wrth gefn o'r rhaglen grant flaenorol.

Yn ogystal, gallai cyfraniadau Adran 106 a dderbynnir at ddibenion Cyfleusterau Cymunedol a Mannau Agored fod ar gael mewn ardaloedd penodol. Mae Cyngor Bro Morgannwg yn ceisio cyfraniadau gan ddatblygwyr tuag at gostau darparu neu wella seilwaith cymunedol, er mwyn lliniaru'r effeithiau sy'n codi o ganlyniad i'w datblygiad.

Mae'n bwysig nodi y gellir ond gwario arian A106 ar gyfleusterau lle mae'r datblygiad newydd wedi cyfrannu at yr angen i ddarparu neu wella'r cyfleusterau. Bydd angen i ymgeiswyr ddangos, wrth wneud cais am unrhyw gyfraniadau A106, fod hyn wedi cael ei ystyried.

Fel arfer, mae cyllid A106 ar gael ar gyfer projectau cyfalaf yn unig, ond gellir cefnogi projectau refeniw sy'n cysylltu â'r anghenion a nodwyd mewn datblygiadau newydd hefyd.

Mae rhagor o wybodaeth am arian adran 106 ar gael gan Swyddog Adran 106 y Cyngor Charlotte Raine, e-bost clraine@valeofglamorgan.gov.uk.

Beth y gellir ei ariannu?

Dyma rai enghreifftiau o bethau y gellid eu cefnogi. (Nid yw hon yn rhestr gyflawn).

- Projectau sy'n gwella gallu'r ymgeisydd i greu incwm
- Projectau sy'n cefnogi ymgeisydd i dderbyn a chynnal ased
- Astudiaethau dichonoldeb, mapio cymunedol a dyluniad manwl i baratoi ar gyfer ceisiadau am gyllid
- Cyllid o flwyddyn i flwyddyn os gall y projectau ddangos cynaliadwyedd yn y tymor hwy
- Prynu a llogi offer, peiriannau neu asedau eraill
- Costau marchnata a chyfieithu
- Gwaith cyfalaf, gan gynnwys adnewyddu adeiladau a mannau agored
- Buddsoddiadau sy'n lleihau costau rhedeg hirdymor y sefydliad sy'n ymgeisydd
- Buddsoddiadau sy'n gwella effeithlonrwydd y sefydliad sy'n gwneud cais
- Gweithgareddau sy'n cyfuno adnoddau ar draws sawl sefydliad er mwyn arbed costau
- Costau ymchwil a chostau ymgynghori eraill
- Cost staff, dim ond lle mae'r gost yn ymwneud â chyflawni'r project
- Hyfforddiant
- Teithio a chynhaliaeth sy'n gysylltiedig â'r project, gan gynnwys costau gwirfoddolwyr
- TAW nad oes modd ei hadennill
- Llogi lleoliad
- Cyfraniad at orbenion y project hyd at uchafswm o 10% o gyfanswm gwerth y cyllid y gwnaed cais amdano

Beth na ellir ei ariannu?

Dyma enghreifftiau o bethau na roddir arian ar eu cyfer fel rheol:
(Nid yw hon yn rhestr gyflawn).

- Costau rhedeg o ddydd i ddydd (e.e. staff craidd, biliau'r adeilad, treth gyngor, rhent ac yswiriant)
- Projectau sy'n fwy priodol i gael cymorth gan gynlluniau eraill y Cyngor e.e. cronfa digwyddiadau;
- Projectau nad ydynt yn cyd-fynd â Chynllun Corfforaethol y Cyngor
- Projectau na allant ddangos angen
- Digwyddiadau codi arian untro
- Projectau sy'n mynd rhagddynt neu'n cychwyn cyn i ni gadarnhau ein grant
- Eitemau sydd o fudd i unigolion yn bennaf (er enghraifft offer na chaiff ei rannu)
- Gweithgareddau crefyddol neu wleidyddol, gan gynnwys grwpiau ymgyrch
- Lletygarwch e.e. prynu alcohol
- Gwaith trwsio a chynnal arferol - e.e. gwasanaethu boeler, torri gwair
- Projectau sydd ddim yn digwydd ym Mro Morgannwg
- TAW y mae modd ei hadennill

Faint y dylwn ysgrifennu yn fy nghais?

Cofiwch nad ydym yn chwilio am lawer o fanylion ar gyfer grantiau bach. Mae'r ffurflen gais am grantiau o hyd at £3,000 yn gryno ac yn syml. Dylai cyfanswm y wybodaeth yr ydych yn ei rhoi mewn ceisiadau bach fod yn gymesur â swm y cyllid yr ydych yn ceisio ei gael. E.e. Dim ond ychydig linellau ym mhob adran y mae eu hangen i ategu cais am grant bychan ar gyfer offer. Os nad ydych yn siŵr am unrhyw beth – holwch.

Efallai y bydd yr enghreifftiau canlynol yn eich helpu i benderfynu ar gymhwysedd eich project.

Yr hyn y byddem yn ei gefnogi: Astudiaeth Achos 1:

Y Gegin Gymunedol

Mae cymuned yn nodi'r angen am glwb cinio drwy siarad â defnyddwyr y ganolfan gymunedol a phreswylwyr eraill. Gellid defnyddio'r gegin hon hefyd ar gyfer priodasau a swyddogaethau eraill, gan felly wneud y cyfleuster cyffredinol yn fwy cynaliadwy. Nid oes cegin gradd fasnachol yn y Neuadd. Gellid defnyddio'r arian i brynu offer ac i osod y gegin. Gallai'r gronfa hefyd gefnogi hyfforddi gwirfoddolwyr a marchnata y clwb ei hun. Gellid hefyd rhoi cymorth ar gyfer marchnata'r gegin sydd newydd ei gosod. Byddai'r clwb cinio yn talu am ei gostau ac yn cynhyrchu incwm ychwanegol drwy godi tâl priodol a fyddai'n caniatáu buddsoddi mewn offer newydd yn y dyfodol.

Enghraifft o gostau cymwys

Gosod cegin newydd ac offer arall yn y ganolfan gymunedol	£12,500
Cydlynedd project / gwirfoddolwr dros 2 flynedd (rhan-amser)	£5,000
Hyfforddi ac ardystio gwirfoddolwyr	£1,800
Costau teithio i'r gwirfoddolwyr	£300
Deunyddiau marchnata (fflachddeunyddiau, taflenni a 2 hysbyseb yn y wasg leol)	£880
Datblygu bwydlenni	£600
Cyfanswm cost y project	£21,080

Bydd disgwyl i ymgeiswyr am grantiau o rhwng £3,001 a £25,000 wneud cyfraniad tuag at gost gyffredinol y project.

Yr hyn na fyddem yn ei gefnogi:

Mae cymuned yn meddwl y bydd clwb cinio yn gweithio ac yn awyddus i dalu cwmni arlwyo i ddod i mewn a darparu'r gwasanaeth hwn gan ddefnyddio'r cyfleuster presennol. Mae am dalu staff y sesiynau llogi ystafelloedd a chyflogau i gefnogi'r gweithgaredd. Mae'n bwriadu codi swm nominal ar gyfer cinio neu ei gynnig am ddim sy'n golygu bod y grant yn rhoi cymhorthdal tuag at gostau rhedeg y gwasanaeth hwn.

Yr hyn y byddem yn ei gefnogi: Astudiaeth achos 2

Grwpiau Gweithredu Ieuenctid

Mae nifer o grwpiau ieuenctid yn y Barri yn dod at ei gilydd i brynu gwerth £750 o offer golchi ceir, marchnata a stondinau digwyddiad er mwyn cynhyrchu arian ar gyfer triapiau ac offer dydd. Maen nhw'n gweithio gyda gweithredwyr digwyddiadau lleol i gynnig y gwasanaeth hwn yn Sioe'r Fro a digwyddiadau eraill. Maent yn defnyddio'r arian a gynhyrchir i ariannu triapiau hamdden i'r grwpiau.

Enghraifft o gostau cymwys

Offer Golchi	£450
Pabell fawr	£200
Marchnata	£50
Blwch arian parod	£50
Cyfanswm cost y project	£750

Yr hyn na fyddem yn ei gefnogi:

Cost 88 o deithiau dydd i grwpiau ieuenctid i fferm gymunedol neu barc antur bob blwyddyn.

Yr hyn y byddem yn ei gefnogi: Astudiaeth achos 3

Projectau hyfforddi a chyflogi defnyddwyr gwasanaeth – arlwy

Mae sefydliad a arweinir gan y gymuned yn nodi cyfleoedd hyfforddi ar gyfer ei ddefnyddwyr gwasanaethau drwy sefydlu caffi cymunedol. Gellid defnyddio'r arian i ddatblygu'r lle mewn caffi, i ddarparu cyllid sbarduno ar gyfer costau rhent a staffio. Byddai gwirfoddolwyr yn ennill sgiliau gwerthfawr dros gyfnod o 3 blynedd, a gobeithio y byddan nhw'n symud i gyflogaeth. Byddai'r caffi hefyd wedi datblygu sylfaen cwsmeriaid ac incwm rheolaidd dros y cyfnod hwn i'w alluogi i dalu costau yn y tymor hwy.

Enghraifft o gostau cymwys

Gosod cegin newydd	£12,600
Rhent am ofod @ £2,000 y flwyddyn	£6,000
Cydlynedd project/gwirfoddolwr dros 3 oed	£20,000
Costau teithio i'r gwirfoddolwyr	£1200
Deunyddiau marchnata (fflachddeunyddiau, taflenni a 2 hysbyseb yn y wasg leol)	£1500
Cyfanswm cost y project	£41,300

Byddai unrhyw gynnig grant yn cael ei gyfyngu i uchafswm o £25,000 tuag at gost gyffredinol y project.

Bydd disgwyl i ymgeiswyr am grantiau o rhwng £3,001 a £25,000 wneud cyfraniad tuag at gost gyffredinol y project

Yr hyn na fyddem yn ei gefnogi

Cost swyddog hyfforddi i hyfforddi 36 o gleientiaid mewn amgylchedd dosbarth mewn sgiliau arlwy. Ni ellid nodi unrhyw incwm hirdymor drwy'r dull hwn. Dim ond ar ôl tair blynedd y byddai'r project yn dod i ben.

Yr hyn y byddem yn ei gefnogi: Astudiaeth Achos 4

Hyb a Gardd Gymunedol

Mae cymuned yn nodi'r angen am hyb cymunedol yn yr ardal oherwydd pwysau cynyddol ar ei chyfleusterau presennol oherwydd datblygiad tai newydd ar gyrion y pentref. Mae Adran 106 ar gael i'r pentref dan sylw. Gellid rhoi cyllid mewn dau gam i gynnal arolygon cymunedol manwl a'r dyluniadau canlynol o gyfleusterau newydd. Nododd y gymuned yr angen am hyb cymunedol, gan gynnig ystafell TGCh, siop goffi a chyfleusterau crèche. Roedd hefyd yn nodi angen am ardd gymunedol mewn llety preswlydd cyfagos i bobl hŷn. Byddai'r projectau hyn wedyn yn cael eu costio a gallai grant cam 2 gael ei ddyfarnu yn amodol ar gymeradwyaeth yr Aelodau Ward lleol.

Yr hyn na fyddem yn ei gefnogi.

Cynnig gan nifer gyfyngedig o breswylwyr i adeiladu ardal chwarae heb unrhyw dystiolaeth o angen am gyfleusterau o'r fath. Gall y Cyngor helpu preswylwyr i nodi angen drwy ei becyn mapio cymunedol. Gwyliwch y [fideo byr hwn](#) ar ein sianel YouTube i glywed am rai cymunedau yn y Fro sydd wedi cymryd rhan.

Yr hyn y byddem yn ei gefnogi: Astudiaeth Achos 5

Cymryd asedau – Clwb chwaraeon

Mae lawnt clwb bowllo, sy'n cymryd ased sy'n eiddo i'r Cyngor ar hyn o bryd, yn cael ei thorri gan contractwyr. Ni all fforddio gwneud hyn unwaith y bydd yn cymryd yr ased. Mae'n gweithio gyda dau glwb arall gerllaw i weld sut y gallant leihau costau torri porfa a pheintio. Penderfynwyd y byddai peiriant torri gwair a threlar i'w gludo yn eu helpu i leihau costau. Mae'r clwb yn meddwl efallai y bydd yn gallu defnyddio'r peiriant torri gwair a'r gwirfoddolwyr i gynnig gwasanaethau mewn clybiau eraill ar draws y Sir. Byddai talu am y gwasanaeth hwn yn helpu i dalu costau rhedeg.

Maent hefyd yn credu y gallai'r clwb gael ei rentu allan ar gyfer cynadleddau a digwyddiadau, felly maent wedi gofyn am offer cynadledda.

Enghraifft o gostau cymwys

Peiriant torri gwair arbenigol yr eisteddir arno	£8,000
Trelar a 3 bachyn i gludo rhwng clybiau	£1,800
Hyfforddiant iechyd a diogelwch	£600
3 sied diogelwch a chloeon	£1,500
Taflunydd, sgrin a siart fflip sy'n sefyll	£1,000
Cyfanswm cost y project	£12,900

Bydd disgwyl i ymgeiswyr am grantiau o rhwng £3,001 a £25,000 wneud cyfraniad tuag at gost gyffredinol y project

Yr hyn na fyddem yn ei gefnogi:

Cost 3 blynedd o dorri gwair gan contractwr gardd

Les 3 mlynedd peiriant torri gwair (beth sy'n digwydd ar ddiwedd 3 blynedd?)

Costau gwasanaethu ac atgyweirio parhaus y peiriant torri gwair

A ddylwn i gynnwys TAW yn fy nghais?

Dim ond os na allwch ei hawlio yn ôl gan Gyllid a Thollau EM y cewch gynnwys TAW yn y cais. Mae ymgeiswyr yn gyfrifol am geisio cyngor ar TAW. Yn anffodus, ni all y Cyngor gynnig hyn.

Am ba hyd y mae grant yn para?

Mae cyllid ar gael tan 31 Mawrth 2025 a rhaid ei wario a'i hawlio erbyn y dyddiad hwn. Os yw eich cais yn llwyddiannus, bydd eich llythyr cynnig cyllid yn nodi erbyn pa ddyddiad y mae'n rhaid cwblhau'r project. Bydd gofyn i chi hefyd adrodd ar gynnydd eich project o bryd i'w gilydd yn unol â thelerau ac amodau eich cynnig grant.

Sut caiff y grant ei dalu?

Caiff y grant ei dalu yn unol â'r telerau a'r amodau a nodir yn y llythyr ariannu. Fel arfer, bydd y grant yn cael ei dalu'n ôl-weithredol ac yn amodol ar gyflwyno pob anfoneb/derbynneg i'r Cyngor. Mewn amgylchiadau eithriadol lle gallai hyn achosi anawsterau gwirioneddol i sefydliadau bach, bydd taliadau fesul cam yn cael eu hystyried. Y peth gorau i'w wneud yw siarad â ni am eich sefyllfa ariannol a byddwn yn gwneud ein gorau i weithio allan sut i dalu'r grant.

Beth yw'r amserlen ymgeisio?

Gellir gwneud cais am grantiau o hyd at £3,000 unrhyw bryd.

Bydd y cyfnod ymgeisio am y prif gyllid grant a'r cyllid grant llai yn cael ei hysbysebu ar wefan Cyngor Bro Morgannwg. Bydd yn rhaid i'ch cais fod yn gyflawn ynghyd â'r holl atodiadau dros e-bost erbyn hanner dydd ar y diwrnod cau. Gallwch gyflwyno eich cais ar unrhyw adeg yn ystod y cyfnod ymgeisio. Cadwch mewn cysylltiad â ni a chofiwch fod croeso i chi ofyn cwestiynau.

Os yw eich cais yn llwyddiannus, cewch lythyr ariannu a dogfennau cysylltiedig i'w llofnodi a'u dychwelyd yn electronig. Bydd y pecyn yn esbonio unrhyw amodau, y broses gymeradwyo a sut i gyflwyno cais am grant. Os oes gennych chi unrhyw gwestiynau ar y pwynt hwn, byddwn yn hapus i'ch helpu.

Pwy sy'n gwneud y penderfyniad a beth yw'r meini prawf asesu?

Bydd y Swyddog Grantiau perthnasol yng Nghyngor Bro Morgannwg yn archwilio'ch cais ac yn trafod unrhyw ymholiadau gyda chi.

Bydd ceisiadau am grantiau o hyd at £3,000 yn cael eu pennu gan y rheolwr gyfarwyddwr mewn ymgynghoriad ag arweinydd y Cyngor a'r aelod o'r Cabinet sy'n gyfrifol am adfywio, yn dilyn ymgynghoriad ag aelodau'r panel gwerthuso grantiau. Mae manylion y panel gwerthuso wedi'u nodi isod. Caiff y dyfarniadau eu hadrodd i'r Cabinet fel rhan o'r broses gymeradwyo ar gyfer grantiau mwy.

Bydd ceisiadau am grantiau rhwng £3,001 a £25,000 yn cael eu cyflwyno i gyfarfod panel gwerthuso grantiau i'w hystyried. Bydd y panel yn cynnwys:

- Arweinydd y Cyngor
- Yr Aelod Cabinet sydd â chyfrifoldeb dros Adfywio
- Un cynrychiolydd o Gyngor Tref
- Un cynrychiolydd o Gyngor Cymuned
- Un cynrychiolydd o bob un o'r rhoddwyr cyllid trydydd parti cylchol
- Un cynrychiolydd o Wasanaethau Gwirfoddol Morgannwg
- Un cynrychiolydd o aelod-sefydliad y Bwrdd Gwasanaethau Cyhoeddus
- Un cynrychiolydd o Sefydliad Waterloo

Gall y panel grantiau ddewis gosod amodau ar eich cynnig grant os yw'n llwyddiannus. Yna cewch wybod yn ysgrifenedig am benderfyniad y panel.

Bydd y panel yn asesu eich cais yn ôl y meini prawf canlynol:

Meini Prawf Asesu

Bydd cynigion project y Gronfa Grant Cymunedau Cryf yn cael eu sgorio gan ddefnyddio'r raddfa sgorio ganlynol o 0 – 25 i roi cyfanswm uchaf posibl o 100. Ni fydd ceisiadau sy'n sgorio llai na'r trothwy ansawdd isaf o 60 yn cael eu hystyried.

	Maen Prawf Blaenoriaeth	Sgôr
1	Cyd-fynd yn strategol â: • Blaenoriaethau Cyngor y Fro (Cynllun Corfforaethol 2020-2025 a'r Cynllun Cydraddoldeb Strategol 2020 – 2024) • Deddf Llesiant Cenedlaethau'r Dyfodol (Cymru) 2015	0 - 25
2	Gwerth am arian a chanlyniadau	0 - 25
3	Ymrwymiad rhanddeiliaid wrth siapio a gweithredu'r project	0 - 25
4	Gwerth ychwanegol a Chynaliadwyedd	0 - 25
	Cyfanswm	100

Maen Prawf 1 – Cyd-fynd yn strategol **Sgôr o hyd at 25**

Peidiwch â chael braw gan yr adran hon! Os nad ydych chi'n siŵr sut mae eich project yn cyd-fynd â'r adran hon, peidiwch â phoeni, gofynnwch i un o'r tîm Datblygu Economaidd ac fe gewch gyngor. Y syniad y tu cefn i ddangos y cysylltiadau hyn yw sicrhau bod y projectau a ariennir yn berthnasol i flaenoriaethau'r Cyngor a Llywodraeth Cymru.

Cyfraniad at werthoedd Cyngor Bro Morgannwg a nodir yn y Cynllun Corfforaethol 2020 – 25 ac yn gyson ag amcanion llesiant y Cyngor. Y rhain yw:

Amcan 1: Gweithio gyda a thros ein cymunedau

Amcan 2: Ategu dysgu, cyflogaeth a thwf economaidd cynaliadwy

Amcan 3: Cynorthwyo pobl gartref ac yn eu cymuned

Amcan 4: Parchu, gwella a mwynhau ein hamgylchedd

Dylai projectau allu dangos cysylltiad ag un neu ragor o'r amcanion. Ar gyfer grantiau dros £3,000 nodwch sut mae eich project yn gyson â'r canlyniad(au) yr ydych wedi'u dewis: Ar gyfer grantiau dan £3,000 ticiwch pa rai sy'n berthnasol i chi

Cyfraniad i Gynllun Cydraddoldeb Strategol y Cyngor 2020 – 2024 – Gweithio gyda'n gilydd i sicrhau dyfodol tecach.

Mae'r cynllun yn cynnwys 10 Amcan Cydraddoldeb Strategol. Y rhain yw:

1. Gwella sut rydym yn cynnwys, ymgysylltu a chyfathrebu â grwpiau a ddiogelir am ein gwaith a'n penderfyniadau
2. Parhau i leihau'r bwlch cyflog rhwng y rhywiau yn y Cyngor, nodi a oes bwlch cyflog ar gyfer lleiafrifoedd ethnig yn y Cyngor erbyn Mawrth 2021, ac adrodd yn ôl yn flynyddol ar y ddau.
3. Gwella cyfleoedd cyflogaeth yn y Cyngor ar gyfer grwpiau a ddiogelir, yn enwedig pobl anabl a phobl ifanc, er mwyn adlewyrchu amrywiaeth y boblogaeth leol yn agosach erbyn Mawrth 2024.
4. Parhau i weithio ar ddatblygu amgylchedd gwaith mwy cynhwysol sy'n cefnogi staff o bob cefndir i gyflawni eu potensial drwy weithredu ystod o gamau gweithredu erbyn Mawrth 2024.
5. Ceisio barn grwpiau a ddiogelir ar newidiadau arfaethedig i bolisi, cyllidebau a gwasanaethau
6. Annog pobl â nodweddion a ddiogelir i adrodd am droseddau casineb, aflonyddwch a gwahaniaethu
7. Datblygu a gweithredu prosesau drwy gydol oes y cynllun hwn i fynd i'r afael â throseddau casineb, trais yn erbyn menywod, cam-drin domestig a thrais rhywiol.
8. Ystyried anghenion tai pobl â nodweddion a ddiogelir a sut mae ein gwaith yn effeithio arnynt, gan gymryd camau i fynd i'r afael ag unrhyw effeithiau anghymesur ar y grwpiau hyn.
9. Gweithio mewn partneriaeth i ystyried materion sy'n ymwneud â hygyrchedd trafnidiaeth, yn enwedig ar gyfer pobl anabl a phobl hŷn.
10. Datblygu a gweithredu cynlluniau drwy gydol oes y cynllun hwn i hyrwyddo ein hamgylchedd naturiol ac adeiledig a'n treftadaeth ddiwylliannol, gan gynnwys hygyrchedd, i grwpiau a ddiogelir.

Mae'r amcanion cydraddoldeb hyn yn ategu ein gwaith i gyflawni'r pum ffordd o weithio a chyfrannu at ein hamcanion lles fel sy'n ofynnol gan Ddeddf Llesiant Cenedlaethau'r Dyfodol.

Dylai projectau allu dangos eu bod yn gydnaws â'r cynllun a'i amcanion.

Deddf Llesiant Cenedlaethau'r Dyfodol (Cymru) 2015.

Gwella lles Cymru yw nod Deddf Llesiant Cenedlaethau'r Dyfodol (Cymru).

Yn y Ddeddf mae **7 amcan lles**: Y rhain yw:

- Cymru sy'n gyfrifol yn fyd-eang
- Cymru ffyniannus
- Cymru gydnerth
- Cymru iachach
- Cymru fwy cyfartal
- Cymru o gymunedau cydlynol
- Cymru â diwylliant bywiog lle mae'r iaith Gymraeg yn ffynnu

Mae **5 ffordd o weithio** yn y Ddeddf:

- Integreiddio
- Cydweithio
- Atal
- Hirdymor
- Cynnwys Pobl

Dylai projectau allu dangos cysylltiad ag un neu ragor o'r targedau lles uchod a ffyrdd o weithio. Ar gyfer projectau dros £3,000 nodwch sut mae eich project yn gyson â'r rhai yr ydych wedi'u dewis: Ar gyfer projectau dan £3,000 ticiwch pa rai sy'n berthnasol i chi. Cadwch eich gwybodaeth yn gryno yn yr adran hon.

Ail-lunio Gwasanaethau

Mae'r Cyngor yn darparu rhaglen ail-lunio gwasanaethau. Mae'r rhaglen hon yn ceisio ailffurfio'r Cyngor er mwyn ei alluogi i fodloni anghenion dinasyddion Bro Morgannwg yn y dyfodol o fewn cyd-destun heriau ariannol nas gwelwyd o'r blaen. **Dylai projectau sy'n cefnogi'r Rhaglen Ail-lunio Gwasanaethau hon sgorio'n dda yn erbyn Maen Prawf 1.**

Mae gan y Strategaeth dri amcan:

- Nodi ffyrdd amgen o ddarparu gwasanaethau sy'n cyflawni canlyniadau gwell i ddinasyddion a/neu ddulliau darparu mwy effeithlon
- Wynebu heriau ariannol tra'n lliniaru effaith toriadau ar ddefnyddwyr gwasanaethau
- Datblygu'r Cyngor a'i bartneriaid er mwyn sicrhau eu bod yn gallu ateb heriau'r dyfodol

Mae'r Cyngor yn cydnabod gwerth y cyfraniad sydd gan Gyngorau Tref a Chymuned a'r sector gwirfoddol i'w wneud; mae project wedi'i neilltuo i ddatblygu'r cydberthnasau hyn a gweithio mewn partneriaeth ar broiectau penodol, gan gynnwys trosglwyddo asedau cymunedol. Os gallwch ddangos sut mae eich project yn cysylltu â'n Rhaglen Ail-Lunio Gwasanaeth yna dylai gael sgôr uwch.

Maen Prawf 2 - Gwerth am arian a chanlyniadau
Sgôr o hyd at 25

Mae'r maen prawf hwn yn egluro ei hun. Rydyn ni am wybod beth rydych chi'n bwriadu ei wneud trwy eich project. Efallai y byddwch yn creu swyddi, yn gwella iechyd, yn creu cyllid ar gyfer eich sefydliad neu'n cymryd ased yn eich cymuned. Rhowch syniad i ni o'r hyn rydych chi'n gobeithio ei wneud a faint bydd hynny'n ei gostio. Dim ond hyn a hyn o arian sydd gennym ni a bydd projectau sy'n gwneud mwy gyda'u grantiau yn sgorio'n uwch yn yr adran hon.

Maen prawf 3 - Ymrwymiad rhanddeiliaid wrth siapio a gweithredu'r project
Sgôr o hyd at 25

Dylid datblygu projectau yn ymateb i wybodaeth leol fanwl a thystiolaeth gadarn o'r angen. Y cymunedau lleol eu hunain sydd yn y sefyllfa orau i ddeall eu hamgylchiadau lleol a phennu'r rhwystrau a'r cyfleoedd sy'n eu hwynebu. Dylai ymgeiswyr egluro **pwyl** yw eu rhanddeiliaid; **sut** y cawsant eu cynnwys wrth ddatblygu'r project a sut y byddant yn parhau i fod yn rhan o'i weithrediad. Dylai ymgeiswyr egluro sut y bydd y project terfynol yn cynrychioli canlyniad ymrwymiad y gymuned.

Maen Prawf 4 - Gwerth ychwanegol a chynaliadwyedd
Sgôr o hyd at 25

Dylai ymgeiswyr egluro pa werth ychwanegol a ddaw o ganlyniad i'w project, y tu hwnt i'r gweithgareddau craidd y mae'n eu gwneud ar hyn o bryd. Un ystyriaeth allweddol wrth ddatblygu project yw sut y gall wella gwydnwch y sefydliad a lleihau'r ddibyniaeth ar gyllid grant yn y dyfodol. Ni allwn gynnal costau rhedeg craidd eich sefydliad gyda'r arian hwn.

Deunydd Marchnata / Hyrwyddo

Mae eich cynnig grant yn amodol ar ddefnyddio logos y partneriaid ariannu ar gynnyrch marchnata / hyrwyddo cysylltiedig e.e. taflenni, gwefan, cyfryngau cymdeithasol, paneli dehongli. Mae canllawiau penodol ar y mater hwn y gofynnir i chi eu dilyn ac os bydd eich cais yn llwyddiannus byddwn yn ei ddarparu gyda'ch llythyr ariannu.

A fydd angen i mi fonitro'r project?

Fel rhan o'ch cais byddwch wedi nodi'r hyn rydych yn gobeithio ei gyflawni gyda'ch cyllid. Gallai hyn fod nifer yr unigolion sy'n elwa neu dderbyn hyfforddiant, neu nifer y projectau sy'n cael eu cwblhau. Byddwn yn gofyn i chi adrodd i ni ar gynnydd yn rheolaidd wrth gyflawni eich project ac ar ôl ei gwblhau. Dylech weithio gyda'n swyddogion fel rhan o'r broses ymgeisio hon i gytuno ar ganlyniadau eich project a'u nodi.

Rhaid rhoi gwybod i Gyngor Bro Morgannwg os ydych yn bwriadu newid defnydd, neu werthu unrhyw adeilad neu offer a brynwyd, a adenillwyd neu a adnewyddwyd gan ddefnyddio'r grant hwn. Os na fydd hyn yn parhau i adlewyrchu amcanion y cynllun grant, gall CBM adennill oddi wrthyh arian hyd at gyfanswm y grant a dalwyd mewn perthynas â'r project hwnnw am gyfnod o hyd at 5 mlynedd o daliad olaf y grant.

Dyddiad gwaredu'r ased(au)	Swm i'w ad-dalu
O fewn blwyddyn	Arian i'w ad-dalu'n llawn
O fewn 2 flynedd	80% o'r arian i'w ad-dalu
O fewn 3 blynedd	60% o'r arian i'w ad-dalu
O fewn 4 blynedd	40% o'r arian i'w ad-dalu
O fewn 5 mlynedd	20% o'r arian i'w ad-dalu
Ar ôl 5 mlynedd	Dim arian i'w ad-dalu

Faint o ddyfynbrisiau y mae angen i mi eu cyflwyno?

Mae'r tabl tendro isod yn nodi'r weithdrefn y bydd angen i chi ei dilyn. Sicrhewch eich bod wedi cyflwyno'r wybodaeth briodol â'ch cais. Gallwn eich helpu â'r broses hon a'ch cynghori ynghylch sut mae llunio manylebau ar gyfer dyfynbrisiau a thendrau.

Gwybodaeth Tendro

Amcan o'r Gwerth	Camau Tendro Gofynnol
Hyd at £250	Gofynnwch am o leiaf un dyfynbris
Hyd at £3,000	Gofynnwch am o leiaf ddau ddyfynbris
£3,001 - £74,000	Gofynnwch am o leiaf dri dyfynbris ar sail yr un fanyleb glir
£75,000 – trothwy OJEU £189k	Proses dendro – rhai hysbysebu'r contractau i'r farchnad drwy GwerthwchiGymru neu eich porthol caffael electronig eich hun.

Rhaid aros i'ch cais am gyllid grant gael ei gymeradwyo cyn cychwyn gwaith. Ni fydd arian grant ar gael ar gyfer gwaith a wneir cyn rhoi cymeradwyaeth ysgrifenedig.

Mae'n rhaid i'r ymgeisydd gwblhau'r holl waith a gymeradwyir a chyflwyno tystiolaeth o daliad cyn y gall hawlio'r grant.

PWYSIG

Mae'n bwysig i chi ddarllen y nodiadau hyn a'r canllaw cam-wrth-gam ar gwblhau'ch ffurflen gais - byddant o gymorth i chi i gwblhau eich cais yn gywir ac i'ch helpu i osgoi unrhyw oedi yn y prosesu.